



Ioannes patria Iustingensis ex honestis parentibus natus est anno 1452. Is cum præclaro ingenio insignis esset, diligentem operã literis nauauit, atq; hinc inde Germaniæ Academiã uisitando Mathematicis disciplinis diligẽter incubuit. Itaq; factum ut in eo genere doctrinæ ad miraculum usq; excellerit, & nulli secundus extiterit. Vnde Tubingẽsis scholæ proceres eum inter professores receperũt, & Mathemata publicẽ exponere iusserũt. Id quod ipse singulari industria perfecit, atq; sibi magnũ nomen apud omnes doctos comparauit. Scripsit præterea præclarum opus Ephemeridum ab anno 1531 ad proximẽ subsequentes uiginti annos usque, id

quod ad ueterum imitationem accuratissimo calculo elaboratum. deinde rationem compositionis Astrolabiorum, cum explanatione eorundem usum, declarauit, ac Procli Sphæram commentarijs illustrauit. Cum hoc modo bo-